



# Դանիել Վարուժան

## Ողորմություն

Սովամահ ժողովուրդին

– “Սովէ. հա՛ց, հա՛ց...” –

Ո՞վ կ'հեծէ

Շենին վրրա խրրճիթիս ո՞վ կը հեծէ:

Մերրս մարած է օճախիս բոցին հետ.

Մեջս է մոխիր, շուրջրս մոխիր. օ՛հ, ի՛նչ շահ

Մոխիրներու վրրա արցունք սերմանել:

Բան մը չունիմ, բա՛ն մը. այսօր իմ վերջին

Լումայով թոյն գրնեցի,

Ներսը թոյնս իմ կը շաղվեմ:

Վա՛ղը եկուր գերեզմնոց, ո՞վ Անոթի,

Բութին մեջէն, կանուխ, երբոր գյուղին շուրջ

Գայերը դեռ կը հածին,

Վա՛ղը եկուր... պիտի ես

Շիրմիս մեջէն, իբրև հաց

Քերթողի սիրտս այդ մախաղիդ մեջ ձրգեմ.

Քերթողի սիրտս արյունդ, արյունն որբերուդ

Պիտի ըլլա ո՛րքան որ Վիշտըդ ապրի...

Վաղը եկուր գերեզմնոց, ո՞վ Անոթի: